

芝園集目錄

石集卷之六

排律 五言

過留侯墓

輓徐相公

壽詹郡侯

贈喬伯麟移居

呈張相國洪陽老師

憑虛閣

壽朱孟元





立夏日劉工部文光招同孝廉鄧素素馮咸甫  
山人許觀甫孫世聲燕集衙齋賦謝

贈畢司理白陽考績榮封

贈董誼臺年丈兩尊人榮封雙壽

輓王元美先生

寄懷同年朱太史養淳

北游道遇辰玉王丈夜坐談文

何氏芝園集

華亭何三畏士抑 著

排律 五言

過留侯墓

漢祖與三日留侯佐命時未壽前席箸先擊副車推  
灞上還軍疾鴻門謝羽馳三秦堅去計六國罷餘支  
垓下雌雄定楚中羽翼塵五年勦大業四百真不基  
人傑伴何信宗臣亞傅伊布衣慚足分寸舌喜酬知  
解脫封侯印逍遙出世期赤松塵外伴黃石墓間遲



伯士抄去目錄  
功就身隨隱名高事亦奇生前攄石畫沒後建崇祠  
允是儒生度堪稱帝者師庭除多宿草樹杪有鳴鸛  
英爽千秋在淒涼萬古悲臨風無限泪對臆不勝思  
何以舒長嘆聊為奏短詞

輓徐相公

降生逢盛世通籍事明君望以賢良重情投魚水欣  
定備咨秘書顧命毗元勳社稷安無警兵戎戢不焚  
寸心依日月隻手挾風雲國閣能興漢調羹為佐殷  
青山容自老綠野樂餘曠歲際冰熊卜時翔威風氣

綸音詢白髮輶使賚玄纁壽擬千秋祝名高五德耘  
金童浮瑞色玉樹靄靄芬天柱愁將折星精慘欲分  
祠前留掛劍地下召修文悵別華亭鶴來尋董相墳  
忠魂隨水逝清響隔林聞遙憶悲風起空令涕泪慙  
壽唐郡侯

東嶽開靈秘西崑孕雋倫古衢標象緯太末產蒿神  
詞藻方王粲才猷邁寇恂專城移重鎮五馬辟清塵  
太乙操陶鑄真人下拊循陽天懸永日澤國謁長春  
海甸絃歌沸宮墻桃李新里舍周室醮家飲漢庭醇



何士抄卷四  
鈴閣松陰暖輶軒  
麥穗頻鶯聲啼  
遂谷魚藻式嘉賓  
華閎誇喬木箕疇  
比大椿人推金鷲  
鷲子集石麒麟  
正是鴻濛歲重逢  
壽豈辰柳垂青  
拂案花發錦成茵  
父老壺漿獻儒紳  
歌咏陳天書褒最  
績早晚下蒲輪

贈喬伯麟移居

卜築勤堂構移家喜  
拮据冠纓誇舊里  
甲第起新閭海上  
烟霞地城東錦繡  
居星披層閣洵虹  
映画欄初瑞靄千  
櫺外祥光百丈餘  
門庭來蓋履臺館  
集羣梧

旭日看縹緲晴雲  
任卷舒梁懸孺子  
榻架宮鄰仁士  
別墅僊標近深林  
俗事踈棲枝多宿  
鳥縱壑有遊魚  
怪石臨池立蒼藤  
挂樹紆興豪呼斗  
酒客至摘園蔬  
野分青嶂憑軒半  
紫虛花英隨意拾  
瓜種帶經鋤  
踏月遲珠幌吟風  
倚玉除高情遺世  
味人境結吾廬  
丹鳳飛翬遠黃龍  
水脉徐盛年長可  
樂芳景復誰如  
呈張相國洪陽老師

久竚延登命俄聞  
大拜來匡時需碩  
輔名世屬真才  
簡注由天寵絲綸  
摠帝裁東山起雙  
屐北極耀



三台將相原無種公卿自有胎印斷庭下鵲音聽省  
南槐綠野堂方放平津閣已開陰陽調鼎鼎左右和  
鹽梅擘畫乾坤事抽揚尺寸材千秋成帷握萬載恣  
規恢既作清時雨能迴白日頽鉅勳駁上漢高譽振  
轟雷且與齊驅出瓊龍並駕回何言山甫仲不數晉  
公裴

憑虛閣

危城環疊嶂高構倚層霄百尺樓臺聳雙林洞壑迢  
乾坤虛處合星斗望中標瑤島風光勝蓬壺境界超

神仙曾稅駕賓客喜停鑣披遠青蕪沒分空紫霧饒  
遊絲入檻斷飛鳥觸欄嘹海日一邊出嵐飈四面颯  
蒼松雲外榦古柳道傍條殘燒含烟細斜暉照影澹  
坐觀規月白漸見銀河昭樹杪鵲鳥下游人車馬寥  
禪僧經誦罷山舍聲聲蕭迴睇太虛表逍遙夕又朝  
壽朱孟元

三洲何鬱紆九峯亦盤複羨爾超塵寰條然保幽獨  
發源泗水濱結屋千山麓才名既早馳經史不再讀  
累上賈誼書屢效卞和哭玄思屬毫素妙想寄林谷



雪後林逋梅秋至陶潛菊數竿紅日遲一枕黃梁熟  
芳筵錯珎離仙樂交絲竹雲中命青鳥庭下呼白鹿  
君當百歲期我效千秋祝為歌南山篇齊奏瑤池曲  
立夏日劉工部文光招同孝廉鄧泰素馮咸甫  
山人許觀甫孫世聲譙集衙齋賦謝

乍入清和候秦淮聚客星杖藜猿鶴侶巾烏鷺鷗盟  
綺席瓊羞合金壘桂醕盈但饒歌吹響不艷管絃聲  
工部詩催雨山人奕校兵孝廉詞賦敵風月品題平  
慷慨悲時事清幽絕世情相將彈劍鏑共誓濯冠纓

燒燭分譙鼓烹泉沸鐵鑄追歡談更久惜別醉還醒  
霧靄侵衣裾冰輪映水晶籃輿歸路穩宛轉石頭城  
贈畢司理白陽考績榮封

夾谷山輸秀萌江水吐璘騰英登桂籍應制入楓宸  
籌策經時畫分圭佐罷臣清標能矯矯玄度渡恂恂  
慷慨持三尺慈和拊四民龍嘘吳地雨虎擁漢庭輪  
賦政應無兩察姦疑有神冰壺澄似水陰谷暖回春  
請劍雄飛意批鱗敢諫身勦勛須異日奏最正茲辰  
褒美頌 雙詰推崇遡二親 綵綸從此貴冠鳥奕



然新芝玉扶仙杖金緋照錦茵壺中長歲月堂上永  
營椿百歲駢嘉祉千秋屬至人恩波家浩蕩義問日  
嶙峋欲傳循良吏淵源可重論

贈董誼臺年丈兩尊人榮封

使君司理日宦蹟滿三川灑澗霜威在輾轅雨澤偏  
直聲強項右異政少平前課家朝方上 褒封夕已  
宣宮袍斑彩暎翟第板輿騫匏子清時叟洪洋陸地  
儼琳瑯春酒熟燠爛歲星躔將父還將母添籌自百  
年

輓王元美先生

吳下真人化婁東紫氣沈星辰何慘澹天地忽淪陰  
牛耳疇為主龍門詎可尋弁山雲樹寂峴嶺淚痕深  
空掛徐君劍誰彈王令琴南州有鷄酒携至亦傷心

寄懷同年朱太史菴淳

已丑太史分典禮闈予亦謬被甄收而竟復落

第命也太史嘗面語其故懊恨者久之偶及寄懷之作

上才抽秘思彩筆奮 彤庭錦奪宮袍麗香披寶幄  
馨鸞坡看代草虎觀坐談經入直沾宵露趨 朝戴  
曉星籠中收藥物匣裏動雷霆荆玉既獲珍連城亦



耀靈獨慚予朽鈍空負爾丹青失意歌為泣含情醉  
沒醒一時嗟淩落十載嘆飄零尺蠖豈徒屈飛鴻詎  
終冥已深國士感片伎入陶型

北游道遇辰王王丈夜坐談文

北來裘馬客佇立夕陽殘野店呼村釀行厨獻玉盤  
擁爐譚碣石燒燭弄金丸快語千秋合悲歌萬念攢  
故知稱鮑叔新論愧桓寬願借雲霄便休嗟道路難  
客中逢歲盡旅次怯風寒信宿看分手間關又據鞍  
北游吾道在長鋏未須彈

芝園集目錄

石集卷之七

排律 七言

初夏同季仲登陸以寧顧爾成燕集張存簡樓  
中

贈蔡山人石戶

壽郭道人次甫八十

贈錢青芝鑿士

呈韓少宗伯座師蕪賀落成新第  
喜見陸宗伯老師退而有頌



李銓部景穎招同鄧珍吾華象門張二懷張衡  
麓諸孝廉謙集衙齋賦謝

夏日同盧欽甫汪士元孫世聲遊王參軍四溪  
西墅

何氏芝園集

華亭何三畏士抑 著

排律 七言上

初夏同季仲登陸以寧顧爾成燕集張存簡樓  
中

朱明永晝移芳景畫棟重樓啓勝遊晴日檐前花影  
動清飈野外鳥聲流美人南國芙蓉貌公子西園風  
雅傳電舉羽觴飛玉液霞開几席錯瓊羞笙歌滿座  
瑤臺落笑語飄香寶鴨浮欸乃忽來田北角夕陽已



下屋西頭樽中有酒天有月惱亂風光肯罷休

贈蔡山人石戶

何來快士卧山林意氣偏豪詩思深名應客星看豹  
隱調成流水發龍吟清狂夙有烟霞癖高嘯元非世  
俗心俠以寒霜談劍術懶忘暑雨見書淫才如王粲  
能裁賦逸似陶潛解鼓琴斗酒百篇痴李白竒遊萬  
壑老岑參縱橫白眼乾坤窄徙倚青松日月沉入洛  
已誇稷下辯端燕那問橐中金衡門靜掩多車馬野  
瀑遙飛漑金鷲鷗鳥夜翻尋雪棹蓴絲秋掛釣魚針

往來但着花間屐唱和寧題漢上衿環堵蕭然麈尾  
外楞枝密密竹森森

壽郭道人次甫八十

客在金焦山水邊緣知避世即逃禪身依老衲二三  
侶手結茅齋八九椽帶得烟霞披覽坐狎來鷗鳥枕  
書眠徘徊落日尋花徑徙倚蒼苔步石田結社有吟  
推白雪懸河無語不青蓮玄中了悟龐居士夢裡前  
生李謫仙秘授景純方外術豪施元振杖頭錢桃花  
酒熟三千歲萱莢壽添八十年華勝忽遺王母席瑞



圖遙指太星纏鳴鳩新鸞羅春鳥白芷丹楓間杜鵑  
聞道蓬壺瑤島近請君支杖任踟躕

贈錢醫士青芝

多君擅美少年場面帶丹砂骨帶香染翰喜從詞客  
賦談天時逐散人狂家饒瑤草祥雲護室有瓊芝湛  
露滾金鏡療痾推扁鵲名山採藥說長康能于脈理  
探玄秘善保嬰孩不病殤興至彈碁圍作野閒來沽  
酒醉為鄉世傳不老神仙訣人比名醫宰相良從此  
問君何所事蕭然海外挾青囊

呈韓少宗伯座師兼賀落成新第

清朝位望推名世口代絲綸裁 帝制黼黻時分宮  
錦妍雲烟日裊鑪香細廿年簪筆侍 彤庭一夕懸  
車返私第正屬蒼生倚毗時翻然綠野棲遲計惟茲  
不日始經營况乃良辰稽卜筮統宅丹砂井底流層  
樓紫氣空中衛門前高植王公槐署裡多栽賈氏桂  
北斗泰山仰士林青天白日知奴隸願將頌禱歌與  
輪幸得暇依覲光霽

喜見陸宗伯老師退而有頌



峰泖崇溪誕異倫  
台衡鼎鉉屬宗臣  
居然繡衮三公  
服翻作烟霞九老身  
杖几有心依鶴鷺  
功名無意回麒麟  
常從蘭社聞玄講  
每向松關禮上真  
幾許清言  
時不歇  
數根白髮晚逾新  
樽前瀟洒金莖潤  
庭下婁  
娑玉樹春  
學士林魚畱  
姓字尚書聰  
履切星辰共推  
弘景山中相信是  
蓬壺物外珍  
坐使林丘名自貴  
能令叔季俗還淳  
風塵遁變應難染  
箕斗雖高亦易親  
座席百年增氣色  
門墻萬品荷陶甄  
祇今朝野論  
人望屈指寰區一二人

李銓部景穎招同鄧珍吾華象門張二懷張衡  
麓諸孝廉謙集衙齋賦謝

薄遊再入長千里  
日暖風薰首夏天  
客裡奚囊浮紫  
氣望餘遠岫  
黯蒼烟沉淪  
魂魄幾無賴  
潦倒風塵祇  
自悔蟲技怯  
居楊子後龍門  
思御李君前一時傾蓋  
千秋俠四海  
論交兩地偏  
忽漫驅車過  
逆旅敢勞張  
且爲芳筵何當虛  
左推前席頓使披襟  
列上賢醉倒  
金尊稱酒聖  
聽來流水瀉琴絃  
文星在楚陽  
春艷德  
耀移吳夜色  
鮮歌起郢中飛  
白雪談揮塵  
尾吐青蓮



高才定有筮篋引同調應裁雲錦箋慚向般門誇匠  
氏幸從梁苑奏詩篇曾無竒句樽前就莫笑虛名洛  
下傳寰宇何人能好士使君延攬獨翩翩

夏日同盧欽甫汪士元孫世聲遊王叅軍四溪

西墅

咄咄叅軍江左王千秋義俠姓名揚結廬弘敞依金  
谷築圃蕭疎效辟疆出郭西疇標別墅遶園南陌散  
餘糧層巒石骨嶙峋秀靜沼蓮根窈窕香一望樓臺  
連雉堞四圍林木映滄浪株株桃李皆垂實片片梧

桐盡列行培得青松渾似蓋種成文杏好為梁高崗  
綠柳烟常合古樹黃鸝調轉颺暗藉紅葵翻舊砌庭  
延碧草間新篁縱橫籬落花英爛繚繞屏間栢葉蒼  
野色時來棲棟宇谿雲屢起泊山莊芝蘭種種當幽  
戶蕭鼓聲聲沸北堂日暖亭池沉晝靄苔侵履鳥拂  
星芒行遊豈羨蓬壺境偃息應從紫翠房入座賓朋  
如琬琰隔牆嘯語雜笙簧危峰密蔭攤書適曲徑清  
飈解帶涼問竹主人何必在携琴客子亦相忘吾曹  
已醉芳樽下他日重歌錦瑟傍



芝園集目錄

石集卷之八

律詩 五言

咏雁洲贈孫山人

遊棲霞寺同董玄宰

園居咏懷四首

贈徐孟孺陳仲醇乞花場

贈別周山人雁川

河間道中大雪

登泰山



何士柏詩集  
雲岫道平二上人從吳門來同莫廷韓彭協甫  
王韜父楊彥履諸兄弟夜集范雨字聚星堂  
限韵

送唐元徵北試

送徐遜庭北遊蕪省觀

送翁孟埴南行

烟雨樓次孫世聲韻

訪包彥平

次武林寓昭慶寺

同黃貞父李明卿夜飲六橋

題姚華陸憲長華陽洞天

蘭谿令君葉玉城邀同凌覺庵放舟橫山為同  
年之會

遊蘭亭

登龍泉山

題茗溪平川居士

寄武林翁子德

聞馮開之轉南少司成



何士補詩集  
贈閩中徐長卿

虎丘即事二首

過錫山懷友人陳稗登二首

江上逢王性之丈東歸夜坐

泊舟江上

京口寓靈建寺贈知定上人

陳從訓以詩見贈次韻奉酬

雪夜鄔汝翼茅平仲駐石卿徐行甫徐仲輿

抑之談鍾岳諸君子携酒靈建寺話別二首

寓鷄鳴山

雨花臺同許觀甫孫世聲

同年顏給諫徐駕部蔣祠部招飲二首

立冬日

宿鄧少宗伯公署中夜坐清芬軒贈從姪鄧坦  
之

崑山道中夜泊

題永嘉周光祚據梧齋

吳職方公擇同臧國博晉祚至自茗溪諸社友



邀飲余芝園歸後以詩見貽次韵奉謝二首

送陳幼卿南遊訪馮太史

送盛伯靄謁選之京

送舅氏馬令君改選

送表弟宋見我北上

送康季修南遊

送李茂承蕪簡徐駕部蔣祠部年丈

贈范君輔

題河東鳳毛贈茗溪張君

贈周肖村

贈王山人復陽次同年徐太史端銘韻

送朱心葵遊越蕪簡顏使君

同黃仲高倪偉長薛雲卿李薪父孫世聲步樾

源澗

歸懋袁氏山亭留仲高諸君夜酌

七夕倪偉長携酒嚴道普照曠閣招同黃仲高

孫世聲薛雲卿讌集

朝世聲



何士柏詩集  
卷四  
張敬仲周汝保招飲尚湖同袁伯生孫世聲

送張敬仲秋試

送周汝保南行應試

再送汝保次世聲韻

詠陳廷玉分麗齋

訪梵空上人

留別園亭主人袁伯生及地主諸君子二首

壽徐邑侯山泉

送徐學博擢富民令

贈董民部誼臺年丈

仁和胡令君玄海招飲雲居賦謝

南中訪劉工部文光

再訪徐兵部鍾嶽年丈

贈張進士華宇年丈

贈吳刑部左海年丈

贈別中州劉孝廉承明

謝別何錦堂徐二無兩太學

贈真州洪醫士帶江



王參軍四溪招同孫世聲飲皆春園賦謝二首  
歸途有懷

喜見蔡堯卿郎君賦贈

喜得四明楊敏叔書

唐長公赴任常山却寄二首

寄懷同年方太史中丞

喜同年高皋甫郎君仲驤得雋

懷馮曾甫年丈

寄懷洪銓部桂渚年丈

何氏芝園集

華亭何三畏士抑 著

律詩 五言

咏雁洲贈孫山人

洲渚成樓遁飄然海外情  
蘆花堪作伴繒繳不須驚  
低度秋聲冷斜飛澹影橫  
蕭蕭霜月白魂夢亦淒清  
遊棲霞寺同董玄宰

來憇棲霞寺悠然別有天  
踈雲宿古樹怪石冽寒泉  
佛作千年供僧談一味禪  
招尋方外侶爾意獨翩翩



園居咏懷四首

不似平泉勝元無金谷奇開門呼老圃掃徑拾仙芝  
箕踞松陰寂行吟日影移更當風月好把酒聽黃鸝

其二

蕭然靜者意半畝亦為宮歷落階前碧歲蕤樹杪紅  
桐陰籠夜月蕉葉弄秋風日涉真成趣何須嘆轉蓬

其三

灌園且寄傲掩扉聊避喧叢林依粉堞高館絕孤村  
一日亦為樂千秋未足論風塵休逐逐吾意在琴尊

其四

偶爾成幽憇何愁寒暑催山中堪習靜花下可啣杯  
雲色橫莓蘚襟情寄草萊羊求頻過我開徑日徘徊

贈徐孟孺陳仲醇乞花場

徐孺偕陳仲道遙似辟疆種籬通野徑茅棟結村莊  
暖日滋花氣輕雲和竹香九山棲隱處一帶少微芒

贈別周山人雁川

南浦驪歌發稜稜劔氣浮多君能雅藻媿我怯風流  
歸路依芳草離懷托敝裘山中期結侶茲夕且淹留



河間道中大雪

窮途催歲暮飛雪送雲殘驚見江山白愁知草木寒  
行人冰作袂跨馬玉為鞍片片西風泪霏微不耐看

登泰山

天下誰云小山將泰岱宗重岬層樹外絕頂曲盟中  
石立迷前徑雲飛落半空紫霞靄爽在香火萬年宮  
雲岫道平二上人從吳門來同莫廷韓彭協甫  
王翰父楊彥履諸兄弟夜集范甬孚聚星堂限

韵

遠公來別院滿袖白雲香座上占星聚尊前引漏長  
無才能受簡有月且飛觴竟夕探靈異松風到草堂

送唐元徵北遊

君遊淮水北買駿有高臺名下無雙士寰中選勝才  
雲霞推案出詞賦逼人來舊日看花處秋風次第裁

送徐遜庭北遊兼省親

秋近薊門天長楊賦欲仙雲依霄漢客月上孝廉船  
桂醕浮香斂龍光拂舊毡鹿鳴歌宴罷宮錦戲堦前

送翁孟兆南行



君行江水上秋日已三竿風雅詞壇舊芙蓉夜色寒  
名流青桂籍人在碧雲端望望長干路燕山咫尺看  
烟雨樓次孫世聲韻

日落樹影側依稀見遠天忽携王子伴同上米家船  
君有凌雲賦我歌明月篇採菱新度曲花覆隔溪烟  
訪包彥平

駕水看衣帶停舟問索居齋頭奇石供座右異書儲  
隔面驚春暮論心托古初不堪分袂疾江畔更躊躇  
次武林寓昭慶寺

尋幽佳處地聊此寄行蹤上刹朝聞磬東林夜聽鐘  
籃輿三竺遠畫鷁六橋重未盡登臨意徘徊石澗松  
同黃真父李明卿夜飲六橋

秋水遊湖上憑橋對暮流山頭一片綠楓葉萬重丹  
清露沾衣薄涼風拂面寒不辭深夜坐釀覺酒杯寬  
題姚孝陸憲長華陽洞天

聞說華陽洞依稀少室山塵中成吏隱物外得身閒  
竹暗雲千尺松移月半環百年丹鼎在大藥駐朱顏  
蘭綰令君葉玉城邀同凌覺菴放舟橫山為同



年之會

蘭江移桂楫披霧到橫山喜對巖巒勝歡開兄弟顏  
一杯同眺望雙屐共躋攀無限淹留意徘徊深暮還

遊蘭亭

王右軍諸君子時有五言之什

東晉慕風流芳辰集勝遊林間花氣靄竹底其聲悠  
偃仰良適意逍遙不知秋形骸千古放撫掌說滄洲

登龍泉山

山在餘姚縣治中姚江統其外上有仙井龍泉及神仙洞嚴陵祠

山穴有神龍龍飛天柱峯寒流泉石竇古寺屋三重  
光見海中日開攀井上松滿城佳氣繞四望躡雲蹤

題茗溪平川居士

平川平如掌結廬廬其上天高處士星身作茗溪長  
人亡水自流名在風堪仰孝子戀重門對之空悽愴  
寄武林翁子德

一自扁舟別聞君又結廬青山樓大隱翠閣校群書  
笑傲尊前月逍遙花外車雲霞如在望倘許寄雙魚  
聞馮開之轉南少司成

送君還北闕忽復報南遷金馬詞臣舊雕龍慧業偏  
三山天際色六館杖頭烟到日如相憶重教問白蓮



何士柏芝園集  
卷五  
五  
贈閩中徐長卿

時長卿還秣陵余亦相繼而發

颿隨南雁下懷刺問夫君意氣千秋俠才華八斗聞  
深情憐舊雨良晤隔寒雲正向桃花渡相遲醉夕曛

虎丘即事

停槩依山寺棲遲石磴前林高天漏月夜靜水生烟  
塔影摩空出鐘聲隔院傳老僧禪誦處片片落青蓮

其二

乘興躋攀夜蒼松曲徑邊拂衣花氣合談劍石痕鮮  
處處留歌舞年年沸管絃寧知遊子意不在酒杯前

過錫山懷友人陳穉登

一從携手別倏忽六年餘黃鳥堪求友青山好著書  
云何思百結曾不寄雙魚良以踈狂性淹淹水竹居

其二

穉登約赴雲間弔徐孟孺久遲不至

信使吳門至聞君欲下車相遲邀綵筆未即借霞裾  
飲失平原會哀嘶孺子墟高標勤想念肥瘦近何如

江上逢王性之丈東歸夜坐

江畔逢吾友殘楓落照紅三秋悲去住雙艇欲西東  
客思湖山外離情杯酒中夜闌分袂處檢點寄郵筒



泊舟江上

瑟瑟秋江裏烟波幾度風天涯憐聚首書劍問飄蓬  
霧散千山近雲高萬壑空扁舟自操縵清响斷歸鴻  
京口寓靈建寺贈知定上人

空林僧入定不墮野狐禪顯證果中果皈依天外天  
指迷三界徹照妄一燈燃月殿鐘聲寂白雲時往還  
陳從訓以詩見贈次韻奉酬

先生高卧處曲徑落飛花揮塵窺三昧藏書富五車  
尊開陶令酒家有邵平成忽贈琳琅句光芒走電蛇

雪夜鄔汝翼茅平仲畦石卿徐行甫徐仲輿  
抑之談鍾岳諸君子携酒靈建寺話別

蕭寺僑居久冬殘賦十離交遊新結社意氣故相知  
柏葉尊前酒梅花嶺上詩暮天飛雪下分袂去遲遲  
其二

清狂還吾黨岍幘對先生餘梵臨風度空花映雪明  
杯浮千日酒鼎薦五侯鯖此夕離筵散天涯黯別情  
寓鷄鳴山

來尋古蕭寺門外老僧迎朝爽烟霞色夜深鐘磬聲



清吟攀傑閣靜籟起孤城為愛山靈甚徘徊問去程  
雨花臺同許觀甫孫世聲

藂臺臨眺處竒石傍雲栽點點苔痕冷重重雨氣催  
千花零亂出五色鬱蒼開與客徘徊久巖風入酒杯  
同年顏給諫徐駕部蔣祠部招飲

吾曹同籍友白下共開尊片語憂時切深更話舊溫  
筆花飛粉署諫草出黃門何日分春色追隨叩帝

閣

其二

逆旅逢知己離思忽自降尊前兄弟四天上雁鳧雙  
月照青藜杖雲傾白玉缸夜分揮手別客夢到寒江  
立冬日

忽轉玄英序嚴風到屋梁雲端高霧下天際彩虹藏  
去雁啣蘆白枯楊待雪黃重衾寒刺骨羈思似鱸鄉  
宿鄧少宗伯公署中夜坐清芬軒贈從姪鄧坦  
之

一叩師門後從君夜論文高標徐孺侶玉樹謝玄群  
酒泛藜牀月香含夢筆雲南軒時嘯咏相對挹清芬



崑山道中夜泊

歲晚尋歸路孤航泊暮村  
斷橋人跡少落日鳥聲喧  
蘆荻殘漁照菰蒲冷寺門蕭疎  
遊子意清夢傍家園  
題永嘉周光叔據梧齋

徙倚梧桐樹開軒獨下帷  
蒼岑涼露濕翠屋惠風吹  
鳳羽棲孤榦龍門長舊枝  
虞絃調寶瑟清響自相宜  
吳職方公擇同臧國博晉叔至自苕溪諸社友  
邀飲余芝園歸後以詩見貽次韻奉謝

君上名賢侶招携到竹房  
披襟盟白雪吐舌落青琅

徙倚蒼松下流連錦瑟傍  
忽投雙鯉信相憶轉難忘  
其二

使君歸卧日猶記習家池  
對鏡懷新月郵書問舊知  
山中人選勝物外語探竒  
那得重沽酒高歌按陸離  
送陳幼卿南遊訪馮太史

送爾長干道令予憶舊游  
白門花似錦紅板月如鈎  
不負山川約那堪金粉愁  
故人方倒屣歸計漫淹留  
送盛伯靈謁選之京

律轉朱明候聞君駕北轅  
吳江雲樹渺燕市酒花翻



何士抄去國集  
寶劍千秋鏑奚囊五色言莫傾任俠意吾道在中原  
送舅氏馬令君改選

舅氏脂車日 天朝擢異年疏名屏故在召對席將  
前桃李千行樹乘麻萬頃田懸知仙令到竹馬已蹠  
蹶

送表弟宋見我北上

忽湯唱驪歌那堪別思何千山鶯語澁一路柳條多  
躍馬依芳草開尊憶女蘿行行須自愛早晚慎風波  
送康季修南遊

任俠康公子丰樞衛叔流才名高入洛詞賦重登樓  
結客千金散探竒五嶽周長干舊遊里風月莫淹留

送李茂承兼簡徐駕部蔣祠部年丈

茂承工詩亦善画

送送南征客朱明景物芳咲談紅板月描寫白門楊  
獨抱烟霞致時登風雅場寄言同調者秋爽共徜徉

贈范君輔

善奕時為令君所禮

故人來范叔玄髻獨飄然心筭元無敵手談別有傳  
術多纍卵戲人是欄柯仙引重臨筇令啣杯到客船  
題河東鳳毛贈茗溪張君



策馬臨江澣駸駸入帝鄉  
歲蕤多鳳彩蟠結有螭章  
白玉詞臣賦黃金俠士腸  
聖明求雋渴早晚姓名香

贈周肖村

其祖東村以画名吳中君能世其業行雲間人亦拓落不羈俗呼周痴云

世擅丹青譽三吳  
少雁行掌中千霧起壁上五龍驤  
草木能飛動山川失渺茫  
更憐癡亦絕酷似顧長康

贈王山人復陽次同年徐太史端銘韻

客棹來秋水茸城紫翠深  
五禽精戲術八斗擅清吟  
杖挂煙霞氣囊空蓬蘞心  
相期方外伴一叩閭風岑

送朱心葵遊越燕簡顏使君

之子遠行役江邊布席揚月明  
過樵李潮發渡錢塘  
詩滿縹箱色囊餘寶劍光  
臨岐械尺素千里好相將  
同黃仲高倪偉長薛雲卿李薪父孫世聲步栳

源澗

望望青山合行遊及早秋  
松濤千尺響雨氣萬谿流  
野寺暈雲上桃源古渡頭  
未須愁逆旅杖履任夷猶

歸懋袁氏山亭留仲高諸君夜酌

山徑携歸屐林塘且自幽  
不知身是客微覺氣為秋



風細歌聲咽星疎樹影浮坐來箕踞者痛飲亦綢繆  
七夕倪偉長携酒嚴道普照曠閣招同黃仲高

孫世聲李薪父薛雲卿讌集時有侑觴者

今夕嗟何夕逢君宴笑開閣依霄漢迥人傍鵲橋來  
芳訊飄蘭佩深情屬酒杯更殘纔把別踏月共徘徊

嘲世聲

旅况逢嘉節情來不耐看雙星當夜聚孤月照人寒  
蛩泣關愁切風吹入帶寬坐中紅袖在脉脉倚闌干  
張敬仲周汝保招飲尚湖同袁伯生孫世聲

勞君傾蓋雅携酒汎湖亭草蔓水翻綠雨來山更青  
深情銷客况高咏散秋冥別袂孤城下踟躕傍晚汀

送張敬仲秋試

誰言滄海畔可道有遺珠去去秋光早行行江水迂  
延津飛寶劍平子賦名都喜爾題橋日相逢醉酒壚

送周汝保南行應試

石城花滿道鍾嶺月當天賦就含毫日名成夢筆年  
雲翰風正迅宮錦色多妍一望秋光裏看君快着鞭

再送汝保次世聲韻汝保乃祖諱解北畿



何士柏之園集  
卷一  
美君多藻雅骨俊亦神清好奮圖南翼重標冀北名  
盤桓能有意悵別獨無情寥落尊中酒陽關唱一聲  
詠陳廷玉分麗齋

天將山色麗分與野人家築室依丹壁開軒對碧霞  
琴聲泉半落樹影嶺全遮此處棲遲者清言總自嘉  
訪梵空上人

來到靄佳寺相逢小乘僧明心空浩劫慧性照禪燈  
月落曇花淨風踈梵響澄談經兼說法如對玉壺冰  
畱別園亭主人袁伯生及地主諸君子

臺榭元幽曠依山復傍城山頭朝爽勝城嘴暮烟生  
雨積奔泉急風高古樹驚淹淹流寓久湖海氣縱橫  
其二

主人能愛客歲月肯淹留本以烟霞癖從之山水遊  
催詩因結社載酒盡同仇楚楚諸君子千秋不可求  
壽徐邑侯山泉

高秋張綺席庭駐七香車已種河陽樹曾餐勾漏砂  
彈碁銷俗慮揮麈薄紛華受得長生訣尊前棗似瓜  
送徐學博擢富民令



首城驪唱動去去玉雲邊絳帳傳經罷蒼黔望澤先  
縣門花爛熳鳧鳥影踰蹊竹騎郊迎久琴聲棹管絃

贈董民部誼臺年丈

時分曹濟墅

都下頻携手尊罍戀別情裁書聞過雁回首駐行旌  
況棹春將夏披襟弟與兄逢迎關吏在莫忘棄繻生  
仁和胡令君玄海招飲雲居賦謝

名山登絕頂眺望極雲霄遠嶂風烟合蒼松意氣饒  
金罍銷永日玉屑度清宵不是臨邛客何當仙令朝  
南中訪劉工部斗墟

握別燕山道相看又舊都虞衡調舞鶴畫省駐飛鳧  
酒對長干月詩成玄武湖憐予來訪故擊筑嘆迂踈  
再訪徐兵部鍾嶽年丈

白下同尊酒離居又五年最憐猶粉署翻媿尚青氈  
按劍論知已尋盟欲扣禪六朝烟雨濶博爾賦新篇  
贈張進士華宇年丈

憶昔尊前別經今五歲寒掄文能奪錦聞報喜彈冠  
江水將槎素春風更紉蘭天涯鷺聚散相對又長干  
贈吳刑部左海年丈



何士拔其國集  
卷一  
瀟上分襟袂春秋又幾更松蘿雲出岫寶蓋月當庭  
按節移汀水驅車轉舊京相逢仍客裏抵掌話生平  
贈別中州劉孝廉承明

長安忽邂逅建業更同遊劍鏗當年合才名到日收  
看花期上苑結客滿中州黯黯依劉意重登王粲樓  
謝別何錦堂徐二無兩太學

同作長干客何當漫記存西園歌白雪北海命青尊  
意氣投賓侶風流屬笑言陡然先把別無奈欲銷魂  
贈真州洪醫士帶江  
江上逢帶江先生有傾蓋之雅因為止宿命酒款洽

且見其却君翻  
佳器也賦以贈之

凌雲一臂下榻又飛觴素脉通玄理金丹有禁方  
家凌三輔俠氣傲廣陵霜玉樹瓊花種扶踈挺豫章  
王叅軍四溪招同孫世聲飲皆春園賦謝

園林貯春色清夏得携遊鳥韻依山嘯松陰傍竹浮  
人歌淥水曲日落畫樓頭結客還投轄風流失五侯  
其二

南池開別墅巨浸足江流蘿薜千尋月湖山四望秋  
更連玄圃勝轉覺白雲幽簫鼓聲聲細飛觥散旅愁



歸途有懷

歸艇風方迅，啣杯興未殘。  
疎林落葉響，野渡晚潮寬。  
作客逢秋老，懷人正夜闌。  
萬家燈火寂，明月滿前灘。  
喜見蔡克卿卽君賦贈

君家寧馨兒，何物能竒聳。  
紫氣灌眸饒，青雲兩腋擁。  
宜男草正芳，喜昴星還拱。  
珠玉豈無胎，麒麟原有種。  
喜得四明楊敏叔書

客從郵水至，一讀故人書。  
廿載交游舊，頻年問訊疎。  
有懷平叔里，翻憶子雲廬。  
漫說陪京事，悲歌弔古餘。

唐長公赴任常山却寄

不及郊原送，征車望遠塵。  
古衢姑棧境，茂宰漢庭臣。  
候騎如相待，民風可自陳。  
書生諳吏事，莫嘆久沉淪。  
其二

夫君新佩印，太末此驅車。  
驛路東南孔，谿山咫尺餘。  
身行馴雉野，手著勸農書。  
倘有緋袍戀，休教音問疎。  
寄懷同年方太史中丞時為北少司成

太學賢關地，詞臣爾正堪。  
生儒分館六，星象列台三。  
蓬島來仙履，春風駐帝驂。  
獨憐同舉士，留滯在周南。



喜同年高皋甫即君仲驥得雋時皋甫北上在途寄此為賀  
似君稱令子况復似科名健翻看鵬奮高歌聽鹿鳴  
經明鄒魯客年少洛陽生械得泥金信長途愜旅情

懷馮曾甫年丈

秋水蒹葭老懷人在雨東鳳城歌嘯後燕市酒杯中  
長望廬山月遙臨雪竇風只愁千里隔械信失歸鴻

寄懷洪銓部桂渚年丈時在告

把酒燕京別新恩自玉除天曹方佩組歎浦忽迴車  
懷有山公牘交無中散書故歌琴釣處衡鑑定誰如